

Dat ei ina veta suenter la naschientscha?

Forsa che quella damonda irritescha empau. Il fatg che nus vivin, ei gie la risposta sin nossa damonda. Secapescha ch'ei dat ina veta suenter la naschientscha!

Quei dubitescha negin carstgaun. L'otra damonda occupescha nus bia dapli:

Dat ei ina veta suenter la mort? Forsa va ei era cun nus sco culs schumellins che eran aunc el best dalla mumma e vevan endamen in cun l'auter:

“**Ti, di a mi, creis ti** atgnamein en ina veta suenter la naschientscha?” damonda in dils schumellins.

“Gie, en mintga cass! En cheu vein nus da crescher e vegnir ferm per quei che spetga nus leuo” rispunda l'auter.

“Quei ei nuot auter che tuppa tschontscha!” di igl emprem.

“Suenter la naschientscha dat ei negina veta pli – co vess quella veta lu pomai dad esser?”

“Quei sai jeu era buca propi. En mintga cass vegn ei ad esser pli clar ch'en cheu. Forsa savein nus ir entuorn e magliar cun nossa bucca?”

“Ussa cala lu, enzatgei aschi tup hai jeu aunc mai udiu! Magliar culla bucca, tgei idea ortga. Nus vegnin gie nutri entras igl umblitg. E co vuls ti pomai ir entuorn? La corda digl umblitg ei gie bia memia cuorta.”

“Bein bein, enzaco vegn quei schon ad ir. Ei vegn fors a vegnir in tec auter.”

“Jeu tegn che ti seigies buca bein sisum! Aunc mai ei in 'da suenter la naschientscha' turnaus anavos e raquintau d'ina veta suenter la naschientscha. Culla naschientscha ei tut finiu. Punctum. “

“Jeu laschel valer che negin sa co la veta suenter la naschientscha vesa ora. Mo jeu sai che nus vegnin lu a veser nossa mumma, e ch'ella vegn ad haver quitau da nus.”

“Mumma??? Ti vegns bein buca a crer en ina mumma? Nua fuss quella lu?”

“Cheu eis ella, entuorn, entuorn nus. Nus essan e vivin en ella ed entras ella. Senza ella fussen nus nuot.”

“Praulas! Jeu hai aunc mai encurschiu enzatgei d'ina mumma. Pia exista ella era buc.”

“Mobein, mintgaton audas ti gie co ella conta e sentas co ella carsina nies mund...”
(Tenor Henry Nouwen)

Per veser sia mumma da fatscha en fatscha ed emprender d'enconuscher ella, sto igl affon nescher gl'emprem. Avon la naschientscha resta bia zuppau ad el. Il mund digl affon ei pigns. El sto crescher e s'enfirmir per saver survivor 'leuo'. Cun nus carschi va ei era aschia. Beinsavens patertgein nus mo vida quest mund e co survivor cheu sin tiara. Nus survesein che Dieus ei presents sin quest mund. Sche lein pia sestentar mintga di che nus pudeien era viver en perpeten suenter nossa mort 'leuo', ella perpetnadad, muort la misericordia divina.

Vies Sur Peter

Radunonza generala dall'uniun da dunnas

FALERA: Venderdis, ils 5 da november 2010

LAAX: Dumengia, ils 7 da november 2010

La suprazonza envida tuttas commembras, sco era novas dunnas ch'ei interessadas, alla radunonza annuala.

Dieus paghi a tuttas per igl agir ella cuminonza e per vos survetschs che sustegnan las tradiziuns religiusas en las famiglias sco era en nossa pleiv.

Ella **s. Messa per las commembras defunctas** lein era seregurdar en engrazieivladad dad ellas ed engraziar per tut il bien ch'ellas han prestau duront lur veta.

Duront la Messa prendein nus si l'unfrenda per l'instituziun da s. Lisabet.

LAAX: Mardis, ils 9 da november 2010, allas 19.00h

FALERA: Venderdis, ils 12 da november 2010 allas 19.30h

Uras d'aduraziun da Numnasontga a Laax

Nus recumandain a Vus las uras d'aduraziun.

14.00h – 15.00h Spenda, Geinas, Tului-su, Cons, Salums, Murschetg

15.00h - 16.00h Crest, Val, Tului-sut, via Larisch, via Selva, via Principala

16.00h – 16.30h Davos Baselgia, via Streia, via Falera, via Fau, via
Fandrels, via Grava.

16.30h Viaspras e reposiziun

Communiun dils malsauns

Mira il plan liturgic.

Gratulaziun per natalezi a Laax

Il 13 da november 2010 astga Hermann Bucheli festivar siu 80-avel natalezi. Nus gratulein al giubilar e giavischein tut il bien, buna sanadad ed in legreivel di da fiasta.

Fiasta dil s. Batten a Falera

Dumengia, il 31 d'october ha Nayla Blumenthal, feglia da Evelyne e Victor Blumenthal-Cadruvi retschert il sogn sacrament dil Batten.

Nus gratulein alla famiglia cordialmein e giavischein bien sustegn e ventira ella cuminonza cristiana.

Devoziun d'Advent

Strusch da crer, mo la davosa dumengia da november entscheiva puspei il temps d'Advent. Sco mintg'onni lein dar l'entschatta cun ina devoziun d'Advent, nua oravontut era las famiglias ein cordialmein envidadas.

FALERA: Sonda, il 28 da november allas 19.00h

LAAX: Dumengia, il 29 da november allas 17.00h

«Il tschupi d'Advent»

Cun quei tema porschan las menadras Martina Wolf ed Irena Schütz a tuttas mummas e lur affons pigns patratgs sin via el temps d'Advent. Cordial beinvegna en baselgia parochiala,

FALERA: il 23 da november allas 16.00h.

LAAX: il 24 da november allas 16.00h.